



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

1. Perpetuâ annorum serie infallibilitatem Pontificis Romani universæ Ecclesiæ Gallicanæ persuasam fuisse ostenditur, & primò testimonio S. Irenæi Episcopi Lugdunensis.

urn:nbn:de:hbz:466:1-38277

11. Ex litteris Cleri Gallicani ad Innocentium X.
 12. Ex thesibus PP. Societatis in Collegio Claremontano, & in Sorbona propugnatis, & præsertim testimonio Petri de Marca Archiepiscopi Parisiensis.
 13. Ex assertione ipsius P. Maimburgi in sermonibus impressis.
 14. Tandem ex auctoritate & consuetudine antiquissima ipsius Universitatis Parisiensis, & scholæ Sorbonice.
- *****

I.

Superest jam, ut Ecclesiæ Gallicanæ consensum pro eadem Pontificis infallibilitate proferamus, quod methodo nobis familiari & chronologicâ jam probare aggredimur.

Anno CCV. Sanctus Irenæus Episcopus Lugdunensis Martyrio coronatus est. Is lib. 3. contra hæreses cap. 3. ita loquitur: *Ad Romanam Ecclesiam propter potentiores Principatum necesse est omnes convenire Ecclesias, hoc est, omnes, qui sunt undique fideles, in qua semper ab his, qui sunt undique, conservata est ea, quæ ab Apostolis est, traditio.* At si errare potest, & idè aliquando erret, non oportebit, *ad Romanam Ecclesiam omnes fideles convenire*, imò potius oportebit ab errante recedere: nec verum erit semper in illa Apostolicam traditionem esse conservatam, nec enim doctrina erronea Apostolica traditioni consentanea esse potest.

Nec obstat. S. Irenæum de præterito loqui, non de futuro.

Resp. Ea verba: *Ad Romanam Ecclesiam propter potentiores Principatum omnes convenire Ecclesias, omne tempus complecti, cum enim potentior Principatus Romani Pontificis sit perpetuus, ita quoque necessitas eum conveniendi, quæ in hoc Primitu fundatur, perpetua erit.* Et quam rogo ob causam major olim Romanis Pontificibus obediendi necessitas fuerit, quam modò? an olim tantum hæreses vigebant? an Ecclesiæ retrò tantum temporibus Magistro & fundamento opus erat? an Privilegium Petro collatum paucis tantum annis, & non omnibus alligabatur? Auctoritas ergo Cathedræ

Ii

Petri

Petri autem semper, aut nunquam Infallibilis fuit, cum omnium temporum eadem sit ratio: par videlicet necessitas Ecclesiae.

II. Anno CCCC XLV. Valentianus III. Imperator insigne Edictum vulgavit contra S. Hilarij Pictaviensis Episcopi conatus, qui negabat posse Romam à Gallis appellari: quo simul editio quanta fuerit in veteri Ecclesia Romani Pontificis auctoritas, egregie exposuit; sic vero habet: *Cum Sedis Apostolica Primum S. Petri meritum, & Romana dignitas Civitatis sacra etiam Synodi firmaret auctoritas, ne quid præter auctoritatem sedis ipsius illicitum presumpto attentare intatur; tam enim demum Ecclesiarum pax ubique servabitur, si Rectorem suum agnoscat Universitas.* Hac cum hanc tamen fuerint inviolabilitate observata, Hilarius tamen, &c. His talibus contra reverentiam Sedis Apostolicae admissis per Ordinem Religiosivm Urbis Papæ cognitione discussis certa in eundem Hilarium lata est sententia; & erat quidem ipsa sententia per Gallias etiam sine Imperiali sanctione valitura. Quid enim Pontificis tanti auctoritate in Ecclesiis non licet? sed nostram quoque præceptionem hac ratio provocavit, ne ulterius vel Hilario, nec unquam alteri præceptis Romani Pontificis licet obviare, &c. hanc perenni sanctione decernimus, ne quid tam Episcopis Galliis, quam aliarum Provinciarum licet contra consuetudinem veterem sine Papæ Urbis aeterna auctoritate tentare, sed illius, omnibusque pro lege sit, quidquid sanxit vel sanxerat Apostolica Sedis auctoritas. Si non licet præceptis Romani Pontificis obviare; si quod Papa sancit, omnibus pro lege esse debet, idque veteri consuetudine in Ecclesia præceptum est: sequitur plane Pontificis sententias infallibiles esse, ac primitivam Ecclesiam, hoc est, multo ante quartum saeculum, id semper esse opinatum. Coeterum causa Hilarij sic habuit. Damnaverat is Chelidonium, & sacris dejecerat, quod secularis adhuc, cum judicia exercebat, reos aliquot capitis damnasset. Appellavit Leonem primum Chelidonus, sumque innocentiam tam clare Pontifici probavit, ut Hilarius, qui eum Romanum secutus fuerat, nihil posset opponere: non ideo tamen quievit, sed questus est, hujusmodi appellationibus Ecclesia Gallicanæ ordinem & statuta turbari: nec permoveri potuit, ut Chelidonio communicaret, imò insalutato Pontifice Româ evanuit. Gravissima sunt Leonis de Hilario querelæ; penituit tamen, & reperitis legationibus veniam à Pontifice rogavit, impetravitque, idque clarissimis verbis auctor ejus virtutis testatus est. Adeò nullus sanctus à casu immunis, sed imitatur